

Handwritten Japanese characters, possibly '美作' (Mitsukuni).

22-6523
6762.0731
= 11



TIFFEN Color Control Patches © The Tiffen Company, 2007

黔縣志卷十二

雜志

漢志有雜家所謂儒墨刑名無定家也也書籍當歸藝文
 古蹟金石他邑或有專志寺觀方外魏書志於釋老乃
 若流傳寥落未足名家則將置之矣然不敢聽其放失
 也爰引往例日以雜志逸文散見他書亦輯為拾遺附
 於此云

書籍

古蹟


邱墓附

寺觀

方外

拾遺





書籍

宋

邱濬霸國環周立成歷一卷 陰陽集正歷三卷 歷日

纂聖精要一卷 歷樞二卷 難逃論一卷 符天行

宮一卷 轉天圖一卷 萬歲日出入晝夜立成歷一

卷 五星長歷一卷 正象歷一卷 太乙遯甲賦一

卷 困編一卷 觀時感事詩一卷 洛陽貴尚錄十

卷 道原文集十五卷

孫抗工部文集百卷 映雪齋詩集一卷

孫沖五代紀七十七卷

程邁奏議表啟三十卷 漫浪編五卷 止戈堂詩集一

卷

程叔達玉堂制草九卷 臺省論諫存稿十卷 元誠詩

文稿十六卷

汪義端起居奏議一卷 盤隱集

汪綱恕齋集 左帑志 漫存錄

元

汪漢卿蒼浩集二十卷

明

王俊得畱芳集

舒遷天游別集

許天贈詩經正義 兩浙長蘆事宜 北關志

舒榮都練兵實紀 閒署日抄

舒崇功葩經講意

余天爵易義 中原文獻

程端楷讀史備志

孫元直心學測翼

汪宗訊獨居錄 證學吟 秋鴻草 蘧廬草

李希士三經約言 會講錄 青蓮學語

汪濟繼善錄 達觀語錄

汪偉大易解 天潛講義 聽石吟 廣孝編

汪有恆一作有常經義註釋 涵虛閣草

舒祥竊芳集

汪勳廣月令 綠滿軒詩文集

江之寶周易元備

韓懋德先覺集

余心樂餘集

朱之英纂選古逸集

黃鑑地理星形會一編 醫林摘粹 石山吟稿

國朝

汪有光讀史碎言 東岍草堂類語 薜荔集 樂取古

文集 批點孟子檀弓

黃元治黔中雜記 燕晉遊草 滇南草 西山紀游

朝京草 入黔草 黃山草

程震易述

程功姓氏景行錄 夢餘錄 樵貴谷詩遺 樵貴谷詩

存 禪雅集 天咫閣詩文集

孫光啟漁山詩選

舒學旦四書問答

孫漢孝經輯解 蘧菴詩草

周可登學山文集

王楫江樓閣詩集

朱絃嶽青堂詩存

胡士育性理標旨 野史彙錄 餘清館集 蓋餘堂詩

集 黟山古蹟往哲詩 森玉庭詩文集 兼山堂詩

餘

舒度四書會通

汪純粹孝慈備覽 傷寒論編 游秦醫案

胡與高道德經編註 存悔集

汪士通東湖詩文集

韓璵一枝草堂詩集

王懋賞林厯山詩集

汪魁葦夙興語

范瞻雲南浦詩存

林中蕙四書古人纂要 字畫訂訛

孫紹敖補拙軒集

汪偉杖鄉集

汪燾蓮西閣詩集

余逢時柳塘詩鈔

程浩養齋小稿 四畱堂稿 韻府補

朱集球偃谷詩鈔

朱霈史策臆言

望嶽樓華附集

牖窺雜誌

望嶽樓古文



古蹟

志古蹟為足證經史也黔俗朴事少僅見舊乘者排次之遺者補之差可為邑人數典耳古來墓壠其傳留至今必有可不沒者采而輯之庶使人知所風也

廣德城在黔縣東漢置寰宇記云有舊城在今黔城東五里

歙州治在今碧山下隋開皇初改新安郡為歙州治黔大業中復為郡徙治海陽

樵貴谷輿地紀勝云在縣南方輿覽勝云在縣北昔土人入山行七日至一穴豁然周三十里有十餘家云是秦人

入此避地又太平寰宇記按邑圖有潛村至今數十家同一村

主簿廳宋建在縣治東今廢

縣尉廳宋建在縣治西今移

鎮守軍營元置在縣北

魚亭驛

作漁亭誤

在縣東三十五里宋置呂本中詩云竹密如

雲不見天今廢魚亭巡檢司宋置元至元三十一年裁

臨黟驛宋置在縣內政和二年令張瑜建於縣北元置縣

廳後明中葉廢

浙江提刑按察司黟務分司元置明中葉廢

廟口鎮在縣西二十里宋鎮今廢

西武鎮在縣西二十里宋鎮今廢

槐渠梁太常胡明星所鑿也導流自北穿城而南幾十里

溉田千餘畝或云淮渠俗稱橫溝趙東山訪周令政績記

曰槐溝

僕城里在林厯山下漢末土寇陳僕祖山故屯也僕山每

社日遣人掠酒肉村民苦之以社之明日為社至宋時猶

然

獨母柴坦在縣南十五里俗言昔有寡婦死無以葬村人

覆之以薪至今人行經其處皆以一枝草投之

釣臺方輿覽勝云在黟縣南亦名溇陽臺相傳李白嘗釣於此

石墨井在縣南十六里是昔人采石墨之所今爲懸水所漂其井轉深

府均勝井在縣東南二十五里天井山麓歲旱禱雨者遇井泉原涸俄而滿井霖雨隨至

薛公井唐令薛少保稷鑿在城內有九
胡公井在儒學前明正統中胡令君拱辰以祭祀需潔水相學山南麓有泉遂開此井
神仙井在縣城鼓樓下或言呂純陽飲此

華陀井在屏山舒村水口廟後迄今遠近有疾祈禱者汲水煎藥多有靈驗

聖母池在龍尾山觀音巖西泉池三尺水色如玉相傳民有匿物相誣者各以楮錢共質神匿物者其楮獨沈

孝感泉在城西隅明孝子余枝華宅

產龍石在東山石燕洞下其石劃然兩開各有首尾鱗爪蓋龍孕石中石破而龍出也

三友柏在縣署一枝三種世稱嘉樹

雙柱在縣署廳事後後惟一株乾隆五十七年補植一株九老柏五在縣署堂下四在縣署東舊察院

老槐樹在縣城北廣安寺寺建於梁大同時

宋梓樹在城隍廟前元二株火焚其一

大楠木在梓路寺年老中空可二人對弈

五羅漢柏在黃堆山泗洲五溪等三僧所植

桂墩在城郭隅墩有老槐二株古桂五株槐桂之間程氏

祖墓在焉

十八進士題名鐘在儒學明倫堂城東隅李姓宋咸淳中

應進士舉者十七人題名有咸淳九年中元日字

張九成詩碑在三都培筠園詩云萬仞巍然天嶂中瀉來

碧落幾千重森森檜柏松杉老又見黃山六六峰蓋汪樞

密勃致政歸張過訪題此

章山石壁題字宋開禧丁卯汪仲舉等十二人同遊題字

刻石

三皇廟在縣治東和豐坊元置明洪武二十二年罷

太白祠在碧山麓遺址尚存

白玉大士在石門山洞石其觀音相僧慧融開眉目

雙桂堂在縣署庭有雙桂故名謫簿江山爲作贊後惟一

株乾隆三十八年改桂蔭堂五十七年補植一株復雙桂

額

思過軒在雙桂堂左知縣謝君廷傑捐俸建

東閣在舊學前元末燬於兵

文昌閣武曲樓在黃村厚本義莊內舊為集成書院

正教堂遺址無考

安樂堂元在東門內今廢

相儒堂在石鼓寺宋江萬里讀書處遺址尚存

雲隱樓在縣南宋程學士邁七世孫松建汪魯父為記

旌義堂在郭隅

會美堂在城北今頽

尚義堂在三都汪仕政奉例輸粟因建堂名之

樂善堂在東鄉舒百珍隱居讀書建此孫永鎮繼葺之毛

鴻記

培筠園在三都宋汪勃別業雙檜童童為古物今歸族裔

汪元佑

華萼園在古築村明崇禎閒歲貢孫時新別業有天香閣

樂數軒琅玕陽和松亭古木蔚然為一鄉勝地

遺經樓在七都霞阜元儒汪泰初建貯經籍延倪道川先

生講學處明羅倫有遺經樓詩卷後序見藝文志

環山樓在城西隅明初余蔭甫建休甯朱禮侍同題額廬

陵王博士復原作記見藝文志

盡思樓在朝陽門外梅溪上明陽信丞王大儒建

屏山樓在九都屏山之麓明里人舒志道建吉水劉刑部
郎靜作記見藝文志

雲峰館在迎靄門外 國初桂林程世中家塾廬州教授

黃本騏嘗假館于此題額曰遜敏

古淇園在北門外 國初時金氏別業後歸桂林程學祖

學禧兄弟重加修葺有閣翼然臨章水上乾隆六年知縣

李作梅題額曰觀瀾

萬松亭在南屏葉氏建亭臨武林水萬松疊翠旁有醴泉

冬夏不竭

古築關東亭在四都明嘉靖戊子孫隆建

向辰亭在城隍山城西余氏建遺址尚存

石乳亭在古築東山之麓有泉出石竇甘冽不竭明時里

人建亭於側 國朝乾隆時孫洪維重建冬夏施茶湯

湧泉亭在西遞天馬飲泉之東下有泉水冬夏不涸

方勝亭在四都鮑村里人王仁榮建夏秋二季施茶以濟

行人

邱墓 附

晉新安太守胡育墓在六都石山

梁太常卿胡明星墓在十都西頭

宋黟隱先生程透墓在五都寒泉谷

廣西轉運使孫抗墓在四都上林村有王荆公安石碑
永州推官孫適墓在上林村曾文定鞏作誌銘

贈右諫議大夫盧臣忠墓在十都雷岡

顯謨閣學士程邁墓在縣東深坑

侍御史黃葆光墓在都湖洋坑

端明殿學士樞密院副使汪勃墓在二都北莊葉忠定

適作誌銘

吏部主事令史奚舜卿墓在縣學山

總轄六州諸軍事胡乙公墓在八都葉巷嶺

華文閣直學士贈特進程叔達墓在八都潭口楊文節

萬里作誌銘

侍講汪義和墓在十二都金雞原

大理寺丞汪義榮墓在金雞原

徽猷閣待制汪義端墓在一都于金鐘東

侍郎汪綱墓在金雞原

直秘閣知甯國府汪繹墓在三都黃陂坦

傅巖處士汪元墓在楠木嶺分水原陳定宇櫟作誌銘

穎川處士汪惟佐墓在雙溪東祁門知縣葛長卿作誌

銘

元修撰汪漢卿墓在金雞原

南臺御史奚淵浩墓在十一都高田

碩儒道川先生倪士毅墓在縣南余思塢趙東山沔作

改葬誌

附禁碑 直隸徽州府知府陸為懇恩給示嚴禁奸漸
 以保師墓以終世守事據黟縣儒學生員汪會東汪爾
 梁汪之深汪恭默汪尹明汪曦升等具呈前事稱世祖汪
 岸生員汪憲度汪尹明汪曦升等具呈前事稱世祖汪
 致道國初才舉蕭令師事鄉賢倪士毅構館受業挈家
 延居二十三年歿後捐山余思塢請檄遷葬築塢心喪
 遺墨世祀歷今二百七十餘載郡邑誌乘鑿鑿有據焉
 遭士豪貪吉誕謀賄買盜賣斬豚開穴控臺蒙審責盜
 賣謀買之人正起舉退業之法參案炳若日星高厚宏
 同覆載生等切思倪塚汪山事屬兩姓覬覦者眾保守
 維艱叩頌憲示嚴禁將來敦師生門墻之義篤祖孫源
 本之思凡在子姓務終世守諸無論有分無分並不許
 盜賣盜侵勿剪勿伐寸木必嚴若斧若堂坏土是守案
 在公庭垂不刊之令典檄懸壠上惕共見之人心等情

據此照得先賢倪道川先生生理學儒宗配享紫陽汪祖
 致道為及門弟子捐山請葬世奉香火碑銘志傳信而
 有徵高山景行百世欽崇誰得而憑陵之近有無知奸
 黨謀買盜賣開穴侵葬本府深為痛恨嚴加懲戒已經
 起舉退業仍恐事久生奸致先賢一坏樵牧勿守除正
 法立案外合行出示嚴禁為此示仰汪姓子孫及地方
 人等知悉祖德師瑩各宜遵守龍脉隧道毋許損傷嗣
 後敢有盜賣盜買開穴侵葬許即呈送本府以憑依律
 正罪如地術地牙搆引謀獻及樵牧人等毀傷封墓擒
 拿重究決不輕貸須至示者崇禎六年十一月初六日
 給仰霞阜地方排年勒石倪先賢墓左永垂不朽。陸
 公諱錫明浙江平湖縣人天啟進士守徽州府康熙府
 志入名
 宦傳

明黟縣主簿侯大使墓在縣南門外寨下

贈奉直大夫余蔭甫墓在縣北門外起山月

蕭縣知縣汪致道墓在五都西源汪蓉葦叡作誌銘

徵士孫寬墓在三都黃陂坦訓導邵誼作墓志銘
孝義汪葵墓在黃陂坦

保定府知府余徽墓在北門外

廣西布政司左參議汪景明墓在二都中蜀

廣東左布政王俊得墓在八都珠川劉方伯永清作誌

漢陽府知府王靜墓在珠川

遂昌縣知縣汪灌墓在三都株樹林

館陶縣訓導程植墓在六都長演嶺仙鶴林

孝子余枝華墓在一都湖洋坑

雅州知州江寄祥墓在二都大木林

魯王府長史江萬和墓在二都旂上

茶陵州州同孫志甫墓在四都巢霞塢婺源知縣萬國

欽作誌銘

嵐縣知縣葉圭墓在五都西干

刑部主事王仕得墓在城西隅韓家巷

御史舒遷墓在一都湖洋坑

山東布政司參政許天贈墓在月塘

福建兵備道舒崇功墓在姚家堆

御史贈太常寺卿舒榮都墓在鮑家壘

理學名儒孫濟聘墓在四都古築東石頭山

孝女胡氏墓在五都林厯山其父胡文仁有詩
國朝義烈江雷墓在二都小墓

澂江府知府黃元治墓在四都百尺段

贈儒林郎程世中墓在五都五通殿

孝子胡紳墓在六都黃土岡

孝廉方正汪廷榜墓在五都五通殿後萬侍郎承風作

誌銘

贈中憲大夫葉長春墓在一都南坑

貞女盧氏墓在十一都排山下坊在墓前康熙時教諭


楊如緒作墓表

孝烈女吳氏墓在四都古築東山下坊在墓前

孝烈女胡氏墓在六都西遞灣冷水亭

廣西平樂府經歷王彥忠墓在一都佛子嶺





黔縣續志 道光五年

邱墓

明荆王府長史胡文光墓在一都山頭背後山

國朝孝義胡與墓在六都西遞江村塢

國朝烈女汪氏墓在八都望塔橫山嶺

國朝貞女汪氏墓在西遞水口亭外首



寺觀

廣安寺在縣城北舊名永甯寺梁大同元年建宋大中祥符元年敕改今名舊有三門釋迦彌勒觀音殿元至元十四年厄於鄰火住持廣濟同徒景崧募緣重建至正壬辰燬於兵火明洪武元年僧通師即基建觀音殿二十二年僧文獻修完二十四年為叢林宏治十年又燬於火嘉靖二十三年夏四月僧會如心及住持僧流湧募闔邑紳士重建御史吳瓊記

閒居尼寺在縣東槐溝側梁大同元年建元至元丙子燬於兵火後住持妙崧重建至正壬辰年燬明洪武初里

人李景明捐貲重建今廢

梓路寺在十都順仁鄉懷仁里

路通梓嶺因名舊志附會

唐會昌三年

建元延祐六年僧紹復募緣重建明洪武二十四年歸

併廣安寺後復創

石鼓院在順仁鄉順化里戢兵山唐會昌五年建後山有

石鼓因以名寺宋丞相江萬里嘗讀書院中後僧扁其

堂曰相儒元初建殿堂至正丙午燬明洪武十五年僧

宗迪重建二十四年為叢林

靄山院在新政鄉明德里唐大中三年建宋宣和間方寇

至寺側馬不肯前遂引退學士程邁詩丙午峯前翠作

堆白雲深處見樓臺老僧住久有神護能使兇徒到却

回縣令程咫尺至元乙亥里人余永超等鼎新正殿明

洪武二十四年歸併廣安寺正統元年燬厥後僧永忠

永懋即舊址重建法嗣信旻法璟募緣重修殿宇三門

廊屋橋道一新

延慶院在新政鄉魚亭里舊名阜口院唐大中三年建宋

大中祥符四年敕改今名明洪武初住持維則募紳士

重修二十四年歸併廣安寺後復創

精林院在會昌鄉歷陽里唐乾甯五年建歷宋政和宣和

閒視他剎為盛元至正壬辰燬於兵火寺僧秀師即基

創屋三間明洪武初僧普葵智證重建二十四年歸併
廣安寺宣德七年有南京僧恩溥來住廣安寺里人汪
顯濟等告請住持邑人胡仲賢捐地四畝汪子方捐地
二畝三分重建寶殿穿堂佛像廳堂池橋宏治閒法嗣
廣昌等重建山門廊廡
遵孝寺在會昌鄉延福里舊名石孟崇福院唐天復三年
建宋乾道閒賜樞密汪勃爲追修之地改今名後寺僧
章志廣募緣重建元至正壬辰燬於兵火明洪武初僧
吉紹重建二十四年歸併廣安寺後復創

泗洲菴在十二都懷遠鄉豐樂里青山之西唐泗洲大士

飛錫至此卓穴湧泉凡民祈禱卽應宋嘉泰閒僧天庵
偕徒古石奉敕募緣建派分於石鼓叢林嘉定戊辰待
制汪義端記明洪武初普葵益權領由豎籍二十四年
歸併石鼓寺永樂十二年僧義路修大雄殿傳徒道彝
福廣節次修理後徒福清德興因開法堂基址獲兒古
碑備載來由成化十九年仍立石記

東山菴在會昌鄉蜀里元延祐七年居士鮑從善建僧月
堂法綱相繼主之至元八年從善立石景德寺僧簡菴
記明初僧隆建圓通閣其徒名永者洪武十五年領印
爲僧會及昌敬嗣守培青龍山建三門置田二十餘畝

爲常住宣德十年舉授僧會恪守清規宗風始振
皆如菴在縣東北巖峯元泰定元年僧月堂募里人舒逢
辰等建

青林菴在懷遠鄉元元統二年建

地藏宮在二都九蓮山明初里人葉景科夜夢神人借居
是日果見僧人忠達募地供佛咸異其顯應遂爭成之
乾隆年間住持僧幻如募紳士重修

觀音堂在縣東八角亭明天順八年邑人汪子芳胡志廣
捐地同建 國朝乾隆初年城東王大經重修

萬春菴在十都夾溪水口明正德時里人同建 國朝乾

隆年間僧笑微住持勤加修理竹樹翳如頗成幽勝

利渴菴在十一都羊棧嶺明嘉靖閒建

黃荆菴在七都居萬山之中明季山僧渡海建

西武嶺菴在縣西二十里四都西武嶺頭明僧洪千建

林厯菴在縣南十里林厯山明僧覺海建山有八景一曰

爐峯插漢二曰象鼻鎖雲三曰瀑布飛空四曰棋枰仙

蹟五曰石洞流霞六曰孤松盤翠七曰烟雲鋪海八曰

金燈夜現名流躡屐登臨賦詩作紀畱題於上 國朝

康熙戊辰西閩王懋賞同僧人曇衍搜僻探奇得一洞

於垂珠洞之下相與賦詩刻有林厯山詩集歲辛未郡

司馬曹貞吉改名玉虹山葉琬聲有賦乾隆四十九年
僧皓月募紳士移正殿於山巔五十三年桂林程汝弼
重建頭門額曰淋瀝古刹

凝瑞菴在六都西遞水口 國朝順治元年僧瑞生募建
自顏其菴曰凝瑞

雲液菴在六都順治初建菴左有雙桂亭施濟茶湯久圯
乾隆二十四年僧開雲募邑人胡曰夏捐貲重修開雲
先於二十二年募砌西遞舖至桃源洞十餘里石路二
年乃成行人便之

鏡水菴在二都君山又名鮑民菴

青林菴在四都

金竹巖菴在縣西南十五里南山年久傾頽邑人程廷琛
兄弟捐貲重建并壘祈雨壇捨田爲常住菴畔有龍湫
冬夏不竭歲旱有禱輒應敎諭汪仲瀚記

清漣菴在六都石山挹秀橋左路通江浙菴左建同善亭
夏茶冬湯以濟行人係林厯菴僧洪偉建

寶泉菴在六都規竈

紫竹菴在六都桃源洞

雲中菴在七都

三姑殿在八都

卓錫菴在九都舒道翁遇異人處明里人朱廷璋建菴及
亭曰濯霞旁有池聚瀑布之流曰漱心泉亭圯朱作楹
朱光闕重修

甘露寺在十一都章嶺

青山菴在十一都

蓮花菴在十二都菴外有茶亭雍正十年僧參如募建

靈虛觀在縣城南一里舊名洞靈觀宋崇甯四年敕改元
豐中嘗有雲氣覆其上得天尊像於石巖之側道士范
處修創觀二十年而成黃侍御葆光爲請於朝敕授元
素大夫元至元元年道士程冲用募緣重修元末燬明

洪武初道士吳由齋卽基修創小殿年深圯懷宣德七
年道士吳守中命徒李明道程靜道王賢真募緣建造
正殿玉皇樓紫微樓祖師堂真武堂兩廊三門明年募
里人程士甯捐貲命工於後山巔建通殿里人胡文秀
繪像

天尊觀在邑北隅元大德十年丙午始創延祐二年道士
胡守正住持道法有驗民間稱之元末觀宇傾頽明洪
武初道士汪均澤欲復未克其徒吳守中住持洪武二
十四年立爲叢林永樂元年募緣創建復新而未備守
中之徒舒守道又新之長史孟簡記


真元道院在九都長甯里元泰定閒里人舒逢辰建其地坐擁三峯面拱北屏歷出仙釋讀書其中者多顯達明宣德初年道士吳守中命徒舒守道募緣里人舒志道等捐貲修葺延歛南山觀道士吳懋元黃元真居之萬曆四十五年里人重修建三清殿大理寺卿舒崇功記龍門道院古之南山院在縣南城子山之巔峭壁巉巖石竇閒有龍湫不涸每遇歲旱鄉人齊禱輒應年深傾圮明里人胡伯安吳伯忠黃仲機各捐己財葺修如故又共捨田爲香燈之需歲時祈禱焉

迎恩觀在縣南五里橫岡明成化十二年春知縣董復率僚屬士庶爲迎接恩命之所使道士舒希真董其事十六年落成名曰迎恩觀教諭毛鵬記宏治十六年致政知縣吳景溫復修 國朝乾隆五十五年橫岡合五姓重修舊志皆云真因道院移建誤也

真因道院在縣西十五里後廢

拱北道院在三都今廢

清虛觀在七都



方外

宋

舒道翁少遇異人授養生術棄家入山絕跡人世妻子求之數年不獲後爲樵者所見遂燎其菴遷東山之巔山高數百仞捫蘿攀磴僅可登自是又十餘年人方知之有問養生法者以無嗜欲對年百五歲而終

范處修祁門道士智辨強敏善符水治病立愈兼通翰墨於經典無不精究祈晴禱雨尤有奇驗黟之城南一里許有龍尾山山下有觀初名洞靈年久損壞黟人延處修爲住持處修於是鳩工庀材百廢具興觀成走京師上其事

乞賜名制曰可遂賜觀名曰靈虛於授處修爲上清大洞法師

元

石隱和尚不知其所自來善詩畫在石鼓寺數十年與奇墅韓海友善日夕賦詩談道坐化時作頌云真性本自圓明由妄心故起滅今日真妄俱泯火盡灰飛烟絕瘞寺傍有石塔二重高五尺上重刻石隱冠帶像故傳是宋末進士下重刻頌語至今尚未剝落

明

汪雲隱城北天尊觀住持修真養性高徒如雲禱雨驅邪無不立應有胡月潭者聞其名自婺來參爲師授以太元法至今人知月潭之道術不知其爲雲隱之徒也

胡月潭字守正婺源人幼失怙恃遂來黟之天尊觀參汪雲隱爲師傅太元法後事王月蟾求天心五雷之秘九靈飛步璿璣之書習鍊十年諸法皆得召雷禱雨立見感通先知逝期至日坐滅

胡月澗黟人術亦如潭而穢邪治疫不用符咒忽夢登九

天與徒言訖而逝

按竇志王志俱以月潭月澗爲一人今據通志證其爲二人也於存之


李赤肚打石壑人或稱徹度師事敖蓬頭及闔道人得異術徧遊海內嘗數年一歸後入終南與銅帽道人爲侶莫

知所終有楊文恪道賓傳見藝文志

楊元相法名元初號鍼洞黠葉村人齊雲山道士性木訥敬畏訓諸徒子宜潔身心分毫勿苟粗衣糗茹迺方外家風暇則密室靜坐或課稚徒誦經應禱皇儲拜恩受敕三上京師欽授齊雲山住持

慧融來自西蜀隱黠山石門洞初攀藤上人代鑿之始有路洞中一鉢一瓢餘無所有有施米則炊無則已坐石上兀如石人或旬日不食亦不飢有人夜經山下冒月而行訝時方晦何得有月俄而俯瞰溪潭悉成月色跡光所自月從洞生後往天童密雲印證歸悠然示寂有深知者叩其工夫蓋修月觀云

閩真人萬歷四十年自海陽至黠僑寓赤嶺關帝廟中常口占云閩人黃浦字越溪思慕江南渡江西因愛桃源能遠俗不戀白鹿看雲飛自言得海外奇方爲人療病輒立效求醫者盈門未嘗受一錢曰非吾所好又常作歌勸世云陰陽本屬一體善惡分來兩途勸人方使用工夫自有上蒼彌補窮通皆是天定富貴豈能思圖終要恤寡與憐孤自然流芳千古四十二年七月十三日無疾而逝跌坐如石異香不散鄉人感其神爲之營葬併塑像於廟中至今祈禱輒著靈異



拾遺

邑事見古籍者皆以類附其零星雜事足廣見聞者取所記先後略加考論總載此帙識大識小皆為掌故云爾

漢書高惠高后文功臣表云堂邑安侯陳嬰以自定東陽為將屬楚項梁為楚柱國四歲項羽死屬漢定豫章浙江都漸句定自為王壯息句侯六百戶句復相楚元王十二

年師古註曰漸水名在丹陽郡黟縣南蠻中嬰既定諸地而都之時又有壯息者稱僭王嬰復討平也解誼甚明府

志封建云嬰都黟漸自為王蓋讀漢表失其句讀矣

太平寰宇記云薛稷曾為黟縣尉善畫鶴今邑人時有畫

者蓋薛公之餘風淳熙新安志謂稷為黟令謂寰宇記悞
 續仙傳云唐天寶中李白自翰林出東遊覽傳舍壁間言
 宣平詩遂遊新安涉溪登山累訪之不得乃題詩於菴壁
 孫令君維龍云考新舊唐書李白傳及白年譜但言上秋
 浦潯陽及復過江夏潯陽金陵歷陽宣城諸郡未嘗至新
 安也集中夜泊黃山登黃山凌歊臺二作及宿鰕湖雞鳴
 發黃山句為今太平府城北五里黃山非徽黃山其酬韓
 侍御見招隱黃山則徽黃山而詩云何日可攜手遺形入
 無窮是其時尚未至送温處士歸黃山白鷺峯舊居詩云
 伊昔升絕頂下窺天目松黃山為宣城郡南界太白久於

宣城自有登山之徑未可援為至新安之證黃山志采夜
 泊黃山一首已為失考黟志載白於流寓謂其策杖入黟
 至碧山徘徊不舍因有山中問答桃花流水之作府志並
 云碧山麓有桃花流水殊為傳會矣

方輿勝覽載太白釣臺樵貴谷兩絕句謂釣臺在徽州黟
 縣南十八里亦名潯陽臺相傳李白嘗釣於此有詩云磨
 盡石墨嶺潯陽釣赤魚靄峯尖似筆堪畫不堪書

王志作入黟吟

羅願新安志云太白答山中人所謂桃花流水杳然去別
 有天地非人間相傳以為入黟所作又有石墨嶺與水西
 興唐寺詩

寺在歙

語不類太白東坡嘗疑富陽國清彭澤興

唐詩及姑孰十詠非太白所作富陽國清及水西與唐詩僅差數字國清落句云門

外一條溪幾回流歲月興唐落句云檻外一條溪幾回流碎月王平甫疑十詠出於李赤

按南唐自有翰林學士李白曾子固以為十詠是此人所為然則此閒墨嶺與唐詩豈亦此類耶孫令君云太白入

黟羅鄂州已疑其無據至樵貴谷黟縣小桃源一絕取許堅入黟吟刪去後二韻遂以為太白作烏足信乎

郡齋讀書志云鮮于侁治經術有法論著多出新意晚年為詩與楚辭尤工人以為有屈宋風有諫議集許彥周詩

話云鮮于子駿作九誦東坡大稱之云友屈宋於千載之上觀堯祠舜祠二章氣格高古自東漢以來鮮有及者前

輩稱贊人畧綠實也

古今詩話云邱濬十歲謁陳州太守曰前日寺中聞射因

成詩曰殿宇時聞燕雀鳴虛庭盡日少人行孤吟獨坐情何限時喜風傳中鵠聲守喜之令對弱柳絲絲搓綠綫濬

曰春雲片片揭新綿翰府名談及宋朝事實云邱濬少隱於華山多蓄異書嘗遇異人傳太一遁甲法精於易洞書

凶之變周遊天下嘗至山陽郡守屢召之夜飲翼日作詩曰醜却天下女人面正得世間男子心郡守他日再為文

字之飲以謝之又至儀真太守召看壯丹作詩曰何事化工情愈重偏教此卉太妖妍王孫欲種無餘地顏巷安貧

欠買錢曉檻競開香世界夜欄誰結醉因緣須知村落桑
麻處田叟饑耕婦不眠又至五羊以詩上太守曰碧晴蠶
婢頭纏布黑面倭奴耳帶環幾處樓臺皆枕水四周城郭
半因山又曰階上腥臊堆蚬子口中濃血吐檳榔又曰風
腥蠶市合日上瘴雲紅太守覽之不憚曰今四海一家玉
帛萬里至於四方之民言語不通嗜欲不同自其性也子
何好惡若此潛曰詩人之言當如此康定中嘗上觀風感
事詩百篇往往譏刺權貴嘲宰相張士遜曰中書壞了朝
綱後方始辭榮學退居嘲張者曰西部用兵閒處坐可能
羞見碧油幢又嘲執政曰密院中書多出入不論功績便

高遷金銀一似佛世界動便三千與大千執政怒且以詩
多及朝廷休咎於是言於上請誅之仁宗曰狂夫之言聖
人擇焉古有郇謨哭市其斯人之徒歟至皇祐中以為光
祿寺丞其詩今畧載於後三聖艱難平九有纔當陛下守
宗祧太平日久還知否官濫民窮士卒驕太陽日日無光
彩陰霧相侵甚可驚臣道昏蒙君道蔽天垂警戒最分明
太陰失度臨南斗南斗當寅屬良宮月是大臣以是主何
人貪位竊天功太祖艱難恢帝業庚申起歷到庚辰庚辰
自是九九數國事邊機合鼎新大遊太一臨西北便有干
戈動此中五將三門如不會謾言邊吏盡英雄小遊丙午

歸東北內外宮門兩相來客算雖然二十五其如迫脅也
成災辛巳依前二十五推移大義到東南若論大將並參
將中國文昌苦不堪天光日朗俾君道兩字諱來三十春
况是人間瞻仰地無天無日有何因門立正陽因火德而
今名號異當時尋思失道由宣德失德須防仁義虧好是
四京兼九府人人盡著窄衣裳天垂大意還知否急迫須
憂萬事忙取士只憑詩與賦謀猷方略悄無聲今朝正是
求賢際又把科場引後生在費民財修郡學總言聲譽比
文翁其中只聚虛浮輩教化根源恰是空濬蓋多言休咎
其術亦精而乘除之運亦未能盡得也未淵聖皇帝要錄

云靖康中金人圍京城朝廷急於命將有郭京者自云用
六甲法可以擒敵朝廷錫以金帛使自募兵有賣綫兒京
授以將命又有劉無忌者乃賣藥道人常倒植泥中乞錢
亦作統制官蓋取邱濬有郭京楊式劉無忌皆在東南臥
白雲之讖郭京出前軍爲金人一掃而空城遂陷則謠讖
之不可信也明矣夷堅志云廣西昭州最爲瘴毒之地而
山水頗清婉郡圍有亭名天繪建炎中郡守李丕春渚紀聞作郡
守呂以與金國年號同欲更之乞名於寓公徐師川久而
未得有范某者春渚紀聞作范滋爲易曰清輝已揭榜徐謁李同
坐亭上少焉策杖於四隅視積壤中有片石斑斑如文字

然命取而滌之乃邱濬所作記其略云予擇勝得此亭名曰天繪取其景物自然也後某年月日當有俗子易名清輝者可爲一笑考范初命名之日不少差案天繪之名不必勝於清輝石字當是如范者造之而託於濬者濬之名亦重矣

東坡洞霄宮贈俞康直詩自注今監宮凡七人康直其一也名勝志云大滌山有磐石子瞻倅杭日同蔡準吳天常樂富國聞人安道俞康直張日華來遊賦詩後因名來賢巖

蓉塘詩話云麗水孫薪至豐元祐中以明經擢第授荆門軍教授不赴質性清介絕意仕進黃葆光與爲太學舊遊宣和六年黃出守處州薪不肯詣郡謁見黃約以勸農日會於溪洞僧舍至期薪以扁舟來會黃贈詩云勸農因到好溪頭把酒相看憶舊遊三十年來如一夢可憐空負釣魚舟

老學菴筆記云黃元暉爲左司諫論事忤蔡氏謫昭潭後後管勾江州太平觀謝表曰言之未盡悔也奚追

新安文獻志云張擴字子充歙人精醫能以太素脈知人貴賤禍福嘗謂胡殿院曰君當登第然心脈未圓辛卯歲見之復診曰不出此歲矣果登第案辛卯爲政和二年

說齋隨筆云汪樞密勃自政府歸里常時杖屨雜農圃閒人不盡識也偶自外歸見囚首者自第中出問之方因賣薪入宅有忤公愀然不悅曰爾何以歸見家人乃脫已帽授之而已不冠歸家中怪問不應亦不復冠家人懇請累日方復冠曰汝等去他人之中猶去我之中也其厚德如此

夷堅志云新安汪義和會之坐於紹興辛酉至己卯十有九歲矣歙士赴科者二千人而解額二十制勝爲難會之得預計偕族老來賀其祖彥及樞密曰幾郎必踐世科吾夜夢省試別院報榜云己榮中樞密答其意而中不憚己而省闈失利始以告之曰我自聞彼夢固知事在他年蓋今春無親可避也後蹉跎五薦至淳熙辛丑復到選而弟義端充之爲文院點檢試卷官牒詣別頭乃奏名以黃甲榜登第

直齋書錄解題云會稽紀錄汪綱仲舉帥越多所修創嚴陵洪璞每事爲一絕賡者四人曰張漫王栒程震龍馮大章又有諸葛興爲古詩二十篇

姓氏纂要云汪綱字仲舉勃曾孫以祖蔭入官守紹興王十朋贈詩云人望使君如望月但須如鏡勿如鉤理宗時官戶部侍郎凡兵農醫卜陰陽律歷諸書無不研究尤長

於論事所著有恕齋集

章山題壁字日久爲苔蘚所蒙舊乘云汪氏縉紳十三人
題名非也梯石洗剔其文甚完汪氏十一人方氏一人共
十二人文百六十六字曰里人汪玉廷珪珖玉助思順
安宅擇可獻臣舜庸元龍子雲濟世世美植茂叔伯龍仲
允綱仲舉綬仲章仲章之甥方仲舒少醵以開禧丁卯穀
兩日來遊遵孝廷珪向自孝感亦以承奉郎致其政思順
自荆南幕官以通直郎致其政是年俱八十六歲廷玉七
十六歲擇可七十五歲皆康強過人登覽不倦談論亶亶
歡醉而歸時仲舉以新太平宰仲章以前宜黃簿適家食
里中爲茲遊倡實一時盛事也濟世遂書於此以誌歲月
夷堅志云黟縣黃祝紹先爲鄱陽主簿慶元二年四月有
偷兒入其室收拾衣衾分置兩囊臨欲去黃氏有畫眉頗
馴黠解人語是夜一家熟睡禽忽自擲離籠中嗚呼不輟
聞者以爲遭貓搏噬遽起視之盜望見驚懼急走出遺其
一囊黃亦覺遣僕追躡已失之矣夫畫眉一禽之微懷哺
養恩而知所報人蓋有愧焉

宋詩紀事云汪薦一名韶號竹牖讀史詩曰南北幾離合
江山一古今秋風駝臥棘春雨燕巢林家國興亡夢英雄
勝敗心九疑呼不起愁絕暮雲深后村題跋汪君此詩撫

時傷事有足悲感

方秋崖集云月夕坐叢桂下鼓歸耕一再行有伴以詩卷自休陽至明日有客以詩卷自黟至喜吾鄉之多詩人也倒屣迎客沽斗酒相勞苦語客曰吟安一箇字撚斷數莖鬢詩可以苦而攻學詩如學仙時至骨自換詩不可以苦而悟也優而柔之使自得之吾見子蟬蛻矣又回奚朝瑞書云某當歲除窮忙忽奉墨妙首之以邦君諸侯之禮貌申之以諸老先生之品題二陸入洛甯復過此朝瑞一日聲名霸吾州矣泥塗曳尾惟有健羨獨所謂舌本瀾翻者得於夜觀一語此某之所縮頸掩耳而疾走者也某雖無識豈敢誤人以瀾翻者哉士之垂世恐自別有所立不在文字况後世之詩文字之靡乎歐陽子稱尹師魯之文簡而有法其家子弟請益予曰簡而有法惟春秋足以當之某於師魯不薄矣不圖今者朝瑞亦云爾嚴子陵謂侯霸之史曰賣菜乎求多也敢以是箴某學不足以窺朝瑞之藩援引非據簡而有法出時人幾頭地博達如朝瑞當自知之某自爲謀信有罪矣其爲朝瑞謀也忠不識能受之否乎按秋崖紹定進士朝瑞景定進士書中序師魯問答某於師魯不薄矣亦歐陽言也

伯顏字謙齋唐兀人也爲黟達魯花赤與華亭葉子澂以

清爲厚交至正壬辰寇起江東浙省調兵守昱嶺關時伯顏在遣中没于王事其家舊居嘉興崇德州計音至家人招黃冠巖隱者追薦召之顏云旦夕杭城受危爾輩宜速往吾弟處逃生毋妻以無弟可依再扣之云卽松江葉子澂乃我存日生死交也可往依之其卽備船東行比至前三日葉夜夢伯顏以家屬爲託葉卽爲畱居供給不怠後杭城果陷此得非伯顏平日正心不昧故能靈悟若是亦由葉之與人交情不渝真誠相感之所致也見山居新語與通志同

稗史彙編云胡壽安初任信陽獲鹿永樂中任新繁三宰

大邑不攜妻子之任其子自家省之居二月烹二雞壽安知之怒曰飲食之人則人賤之矣獻徵錄云壽安在新繁製一紙帳題其上曰紫絲步障簇春華臥雪眠雲自一家雪又不寒雲又暖扶持清夢到梅花嘗於後圃種萊菔或以餽人人謂之菜知縣

緩寇紀略未刻編云上遣科臣韓如愈督江浙餉馬嘉植督閩廣餉劉澤清遣兵狙擊之於東平戴家廟而遇白貽清詢其名曰非是旣而遇韓斫數刃韓挺挺不撓惟云幼子不宜殺劫者曰無與小兒事舍之去馬以變服免初如愈在垣性嚴正無所依附其糾劉澤清也澤清持重幣賄

之如愈呼使者誚讓反其幣故及

漁洋山人年譜云一統志館移取太學生工書者以黃宏猷黃元治應之黃元治得平遠通判按精華錄有詩送之云水西何處是險絕播州東四郡千山外諸夷一綫通聞猿思故國騎象識蠻風荒服皆王土無勞歎轉蓬

舊乘汪洪道退隱棲止梓路寺所著詩文皆禪門宗旨如破衲云破衲已粉碎除非從新做要補百孔穿補得那一箇喚貓云昨朝貓兒出門要去遠方行脚不是他自歸家大眾如何尋著語殊嗔而小有理洪道身經苦戰老而逃禪固當存其語耳

相傳邑富民兄弟爭財訟於郡兄先往道出休甯見道上大蛇旋盤俄化爲鼈弟後至攜鼈至逆旅烹之兄突往告以實苦阻之弟不信兄奪以飼犬犬斃弟始持兄泣曰弟知兄心若此豈得有訟事乎事遂和息亦見詡菴筆記詩曰兄弟鬩於牆外禦其務早知禦務又何致鬩牆乎縣署內西偏有主簿墩上有榕樹二株大數圍高十餘丈青翠蒼鬱數里外望之若車蓋土人謂關隘邑風水乾隆甲寅年於其上作亭邑中多事嘉慶戊午鄒大令杰撤去之至今邑人頌之然榕樹萎矣

孫大令維龍云縣產石色青中含銅汞如碎金歛人取作

硯材託爲金星石邑人取作磬聲清越稍次靈壁產又有石笛石簫刻前人詩句於上求與宮商悉叶者十不二三偶作三絕句云鑿來片石成方響名與虹州一例誇小閣數聲清未了月流餘韻入梅花不羨柯亭舊日名雲根雕鏤已光瑩倚樓誰奏龍吟曲猶帶噴泉送雨聲珠簾高卷動雲愁靜倚簫聲水閣頭白石餘音飄紫玉誤人明月夢

揚州


施大令源云文房四譜言江南黟歙之地有李廷珪墨尤佳又蔡君謨墨辨言歙州地多美松李超與其子廷珪唐末自易水渡江因而留居遂以墨名家本姓奚江南賜姓

李氏自來言廷珪皆曰歙州而不言其邑考宋世奚李皆黟著姓甲第最盛而歙邑無聞焉疑超及廷珪屬黟人又按自蔡君謨以來皆言李廷珪卽奚廷珪惟文房四譜言奚墨不及李春渚紀聞言唐李慥是諸李之祖其說不同今案施君之言誠是檢春渚紀聞有云黟川布衣張谷製墨得李氏法而世不多有同時有潘谷墨亦精今則黟無造墨者矣又案李氏墨云易水法者是松煙漢取扶風松晉取廬山唐則易水上黨李氏仍其法其取油煙者始自宋人永嘉葉谷也又清熙新安志云黟歙間造白墨色如銀研迄卽與常墨無異未知所製之法又孫大令維龍云

文房四譜言黟歛多良紙有凝霜澄心之號長者五十尺
自首至尾勻薄如一今黟邑並無造紙者更安所得此精
品案四譜又言歛黟人造紙衣卽陶隱居所云武陵人穀
皮衣也今亦無之

元和郡縣志云黟縣南有墨嶺出墨石又昔貢柿心木縣
由此得名太平寰宇記云黟縣置在黟川因名淳熙新安
志云黟縣居黟山之陽故名淳熙志本水經注義也黃山
本名黟山在今休甯北本黟地黟山改黃山則唐天寶六
年也黟後地析界不及黃山元和太平二志所言又爲別
義矣晉改新都爲新安亦因黟之新安山據淳熙志新安

山分在今祁門縣西九十里漢書地理志黟云漸江水出
南蠻夷中東入海則今大鄣山一曰張公山一曰率然山
已析在婺源休甯界地理志又言黟爲廣德王國則今廣
德州界以此推之黟所治地古今大小不同可得其略爰
附於簡末云



黔縣續志 道光五年

拾遺

南史夷貊傳孫權黃武五年有大秦賈人字秦論來到高
吐大守吳邈遣送詣權時諸葛恪討丹陽獲黝歙短人論
見之曰大秦希見此人權以男女各十人差吏會稽劉咸
送論咸於道物故乃徑還本國按黝歙之地實無此種短
人他書亦未有言者以今驗古知李延壽之誣罔甚矣前
人論南北史多小說家言非過語也

興化縣志云韓如愈官給事中嘗督漕江西奏真人張應
京不宜賜第京師時論躓之

邱濬著述多散佚所撰牡丹榮辱志尚存前志經籍失載
謹按

欽定四庫全書總云有牡丹榮辱志一卷舊本題宋邱濬
撰考宋邱濬字道源黔縣人天聖五年進士官至殿中丞
邵博聞見後錄記當時有邱濬者以易卦推驗歷代謂元
豐正當豐卦靖康要錄記欽宗以郭京為將蓋取邱濬詩
郭京楊式劉無忌皆在東南歐白雲之識其字皆從睿從
水此本亦題曰字道源蓋即其人而名乃作濬殆傳寫誤
歟尤侗明藝文志乃以是書為明邱濬作又誤中之誤矣



